



REPUBLIKA E SHQIPËRISË
AUTORITETI I KOMUNIKIMEVE ELEKTRONIKE DHE POSTARE
-Këshilli Drejtues-

V E N D I M

Nr.2627, datë 29.10. 2015

Për

“Miratimin e dokumentit “Rregullore për Ofrimin e Shërbimit Universal Postar””

Këshilli Drejtues (KD) i Autoritetit të Komunikimeve Elektronike dhe Postare (AKEP), i përbërë nga:

1. Z. Piro	Xhixho	Kryetar
2. Z. Alban	Karapici	Anëtar
3. Zj. Anila	Denaj	Anëtar
4. Zj. Ketrin	Topçiu	Anëtar
5. Zj. Klarina	Allushi	Anëtar

dhe sekretare Znj.Marsida Drushku, në mbledhjen e datës 29.10.2015, sipas procedurës së përcaktuar në ligjin nr. 9918 datë 19.05.2008 “Për Komunikimet Elektronike në Republikën e Shqipërisë”, i ndryshuar, dhe Rregullore e Brendshme e AKEP, miratuar me Vendimin Nr.2506, datë 30.10.2014 të Këshillit Drejtues të AKEP, shqyrtoi çështjen me objekt:

Miratimin e dokumentit “Rregullore për ofrimin e shërbimit universal postar”

BAZA LIGJORE:

1. Neni 12, pika 1 dhe neni 14 të Ligjit Nr.46, datë 7.5.2015 “Për shërbimet Postare në Republikën e Shqipërisë” (*ligji nr. 46/2015*);
2. Pika 3 e nenit 114 të Ligjit Nr. 9918, datë 19. 05. 2008 “Për Komunikimet Elektronike në Republikën e Shqipërisë” i ndryshuar (*ligji nr. 9918*);
3. Ligji Nr. 8485, datë 12.05.1999 “Kodi i Procedurave Administrative” i ndryshuar (*ligji nr. 8485*);
4. Udhëzuesi “Për procedurat e Këshillimit Publik”, miratuar me Vendim nr.1183, datë 10.03.2010 të Këshillit Drejtues të AKEP

5. Rregullore e Brendshme e AKEP, miratuar me Vendim nr.2506, datë 30.10.2014 të Këshillit Drejtues të AKEP.

K Ë S H I L L I D R E J T U E S:

Nga shqyrtimi i materialit shkresor, të përbërë nga:

1. Relacioni shoqërues i Projekt-Vendimit (*Relacioni*);
2. Dokumenti “Rregullore për Ofrimin e Shërbimit Universal Postar”;
3. Dokumenti “Qëndrimi i AKEP për komentet e dërguara gjatë këshillimit publik”;
4. Shkresa nr. 3209, datë 20.10.2015 (Ref. AKEP: nr. prot. 1254/10, datë 21.10.2015) e Ofruesit të Shërbimit Universal-Posta Shqiptare sh.a;
5. Projekt vendimi i formatuar dhe arsyetuar,

Si dhe duke j’u referuar diskutimeve në mbledhje mbi çështjen, bazës ligjore të sipërcituar,

V Ë R E N:

1. Ligji Nr. 46/2015, 2015 “Për shërbimet Postare në Republikën e Shqipërisë” është miratuar nga Kuvendi i Shqipërisë më datë 7.05.2015. Ky ligj zëvendëson Ligjin nr. 8530, datë 23.9.1999, “Për shërbimin postar në Republikën e Shqipërisë”, i ndryshuar.
2. Pika 2 e nenit 65, e ligjit 46/2015 citon: “Ngarkohet AKEP-i që, brenda 6 muajve nga hyrja në fuqi e këtij ligji, të nxjerrë aktet nënligjore në zbatim të neneve 12, pika 1; 14, pika 4; 16, pika 1; 19, pikat 2 dhe 8 ; 31, pika 5; 33, pika 1; dhe 55, pika 6, të këtij ligji”.
3. Bazuar në përcaktimet e ligjore të mësipërme, AKEP me Urdhërin nr. 1482, datë 23.06.2015, ngriti një Grup Pune (GP) për përgatitjen e kuadrit rregullator të shërbimeve postare sipas Ligjit 46/2015. GP përgatiti dokumentin “Rregullore për ofrimin e shërbimit universal postar” për këshillim publik me palët e interesuara. Dokumenti i përgatitur ka si objekt të krijojë kuadrin rregullator për përmbushjen e kërkesave ligjore të neneve 12, pika 1; 14, pika 4 dhe 33, pika 1, të Ligjit 46/2015.
4. AKEP me Vendimin nr. 2616, datë 10.09.2015 miratoi nxjerrjen në këshillim publik të dokumentit “Rregullore për ofrimin e shërbimit universal postar”. Dokumenti u publikua në faqen e internetit të AKEP dhe këshillimi publik u krye në periudhën 10.09.2015 deri 20.10.2015.
5. Në fund të procesit të këshillimit publik, AKEP depozitoi komente për palët e interesuara nga Ofruesi i Shërbimit Universal Posta Shqiptare sh.a. me shkresën nr. 3209/1, datë 20.10.2015 (Ref. AKEP: nr. prot. 1254/10, datë 21.10.2015).
6. Grupi i Punës i ngritur në AKEP ka shqyrtuar dhe marrë në konsideratë komentet e Ofruesit të Shërbimit Universal Posta Shqiptare sh.a. duke reflektuar ndryshime në dokumentin përfundimtar “Rregullore për ofrimin e shërbimit universal postar”.

7. Dokumenti përfundimtar i përgatitur pas këshillimit publik “Rregullore për ofrimin e shërbimit universal postar”, synon të plotësojë kuadrin ligjor dhe përmban përcaktime në lidhje me:
- rregulla për të gjithë ofruesit e shërbimit universal me qëllim sigurimin e vazhdueshëm të ofrimit të shërbimit universal postar;
 - treguesit e cilësisë së ofrimit të shërbimit universal postar dhe kërkesa të detajuara për ofrimin e shërbimit/eve universale postare;
 - lista e standardeve shqiptare për matjen e cilësisë së ofrimit të shërbimit universal;
 - rregulla për dhënien e aksesit në rrjetin e ofruesit të shërbimit universal postar postar.
8. Dokumenti është përgatitur në përputhje me kuadrin ligjor dhe nënligjor përkatës dhe ka marrë në konsideratë përvojën në vendet e BE dhe rajonit si dhe kushtet shqiptare në ofrimin e shërbimit postar.

P Ë R K Ë T O A R S Y E:

Duke marrë në konsideratë rëndësinë e miratimit të dokumentit të cituar me lart, bazuar në pikën 4 të nenit 9, të ligjit 46/2015,

V E N D O S:

1. Të miratojë dokumentat:
 - a) Rregullore për Ofrimin e Shërbimit Universal Postar;
 - b) Qëndrimi i AKEP mbi komentet e dërguara për dokumentin e nxjerrë në këshillim publik.
2. Ky vendim dhe dokumentat e miratuar, të publikohen në faqen e internetit të AKEP www.akep.al.

Ky vendim hyn në fuqi në datën e miratimit të tij.

K R Y E T A R

Piro XHIXHO

ANËTARË:

1. Alban KARAPICI
2. Anila DENAJ
3. Ketrin TOPÇIU
4. Klarina ALLUSHI